

SVEUČILIŠTE/UNIVERZITET „VITEZ“ VITEZ  
VITEZ/TRAVNIK  
REKTOR  
Dana,17.IX.2012. god.

## UPUTSTVO

### **ZA PISANJE IZVJEŠTAJA KOMISIJE ZA IZBOR NASTAVNIKA I ASISTENTA NA SVEUČILIŠTU/UNIVERZITETU „VITEZ“ VITEZ**

1. U preambuli navesti kojom odlukom Senata Sveučilišta/Univerziteta „VITEZ“ Vitez i od kog datuma je imenovana Komisija za izbor akademskog osoblja (nastavnika i asistenata).
2. Navesti kad je objavljen konkurs, i podnijeti izvještaj o provođenju konkursa sa prijedlogom Komisije za svakog kandidata posebno;
3. SADRŽAJ IZVJEŠTAJA

Biografski podaci

Kronološki redom dati slijedeće podatke sumarno:

- a) datum i mjesto rođenja,  
tok školovanja: (fakultet odnosno visoka škola sa naznakom mjesta gdje je završen, uspjeh u studiju, poznavanje stranih jezika i dr.);
- b) specijalizacije i magisteriji (postdiplomski studij) i doktorat nauka sa nazivom, uz naznaku institucije, mjesta i datuma gdje su završeni, postignutog uspjeha, studijski boravci u zemlji i inostranstvu, učešće na naučnim simpozijima i skupovima u zemlji i inostranstvu;
- c) stručna i naučna priznanja, pohvale i nagrade za naučnonastavni odnosno umjetnički i naučnoistraživački rad do posljednjeg i od posljednjeg izbora;
- d) kretanje u službi i napredovanje sa nazivom i vrstom poslova koje je obavljao i koje obavlja u vrijeme izbora;
- e) ocjenu rezultata koje je kandidat postigao u nastavno-naučnom odnosno naučnoistraživačkom radu sa naznakom osnovnih doprinosa kandidata razvoju i afirmaciji naučne, i unapređenju odgovarajuće struke;

#### 4. RADOVI KANDIDATA

##### Objavljene radove razvrstati po slijedećim grupama:

- naučnoistraživački,
- stručni (projekti, studije, ekspertize i dr.),
- referati na kongresima,
- revizije i recenzije,
- objavljene knjige, monografije ili radovi koji imaju vrijednost monografije, udžbenici, priručnici, skripte i dr. (obavezno za izbor u vanrednog i redovnog profesora) s datumom objavljivanja i nazivom izdavača.

Sve radove kandidata treba razvrstati u dvije grupe:

a) Radovi kandidata do izbora u posljednje zvanje

Navesti radove prema gornjoj kategorizaciji: autor, naziv rada i gdje je i kada objavljen.

b) Radovi kandidata u periodu od posljednjeg izbora

Radove navesti prema gornjoj kategorizaciji: autor, naziv rada i gdje je objavljen uz poseban kratki komentar i ocjenu komisije o svakom radu posebno, odnosno grupu srodnih radova.

#### 5. NASTAVNO-PEDAGOŠKI RAD

Ovaj dio referata treba da sadrži cjelokupnu pedagošku aktivnost kandidata.

Navesti nazive predmeta koje je predavao na redovnom i postdiplomskom studiju, istaći doprinos kandidata u inovaciji nastave (uvođenje novih oblasti i novih vježbi u predmet, primjena savremenih metoda, pedagoških pomagala i drugo), navesti broj mentorstva za doktorske, magistarske i diplomske radove, doprinos kandidata u podizanju nastavnog, umjetničkog i naučnoistraživačkog podmlatka i u rukovođenju naučnoistraživačkim projektima – druge podatke koji mogu biti od značaja za odluku o izboru.

#### 6. SARADNJA SA INSTITUCIJAMA RELEVANTNIM ZA STRUČNU, UMJETNIČKU ILI NAUČNU OBLAST

Navesti aktivnosti do posljednjeg i od posljednjeg izbora.

## 7. PRIJEDLOG SA OBRAZLOŽENJEM

Dati kratak rezime za kandidata (naučni doprinos, pedagoški rad, stručni doprinos i potrebni uslovi propisani Zakonom sa obrazloženjem i činjenicama koje upućuju za izbor kandidata u određeno akademsko zvanje.

Precizno formulisati prijedlog sa naznakom imena i prezimena, dosadašnjim zvanjem, zvanjem u koje se bira i tačnim nazivom jedne, dvije ili više užih nastavno-naučnih oblasti (prema Odluci Senata Sveučilišta/Univerziteta „Vitez“ Vitez o utvrđivanju širih i užih nastavno-naučnih oblasti) za koje se predlaže izbor kandidata.

8. U prijedlogu treba decidno navesti da li kandidat ispunjava minimalne uvjete za izbor akademskog osoblja u naučno-nastavna zvanja a prema članku 84. Zakona o visokom obrazovanju SBK/KSB („Službene novine SBK/KSB“, broj 04/13).

## 9. ČLANOVI KOMISIJE

Članove komisije za izbor određuje Senat na prijedlog NNV, pri čemu članovi Komisije moraju imati isto ili više naučno-nastavno zvanje od naučno-nastavnog zvanja za koje se predlaže kandidat.

Na kraju Izvještaja svi članovi komisije moraju svojeručno potpisati Izvještaj sa prijedlogom za izbor.

## 10. NAPOMENE

-Veličina slova je 12pt u kompletnom izvještaju, sem naslovljavanja NNV i Senatu .... i naslova IZVJEŠTAJ, koji je 14pt.

-Podpoglavlja se također pišu veličinom 12pt.

-Podebljanja se koriste kod naslovljavanja, naslova i podpoglavlja.